

Համաձայնություն

Տեղեկություն ուսումնասիրության մասին

Այս ուսումնասիրության նպատակն է սոցիալաթանոսների տվյալների միջոցով չափելի դարձնել մարդկանց սոցիալական շփումները: Ուսումնասիրությունը կատարվում է առցանց, անանուն և ներառում է միայն ապանույնականացված տվյալներ, որոնց բովանդակությունը հեռացվում է: Սոցիալաթանոսներից Ձեր տվյալները ներբեռնելուց հետո, մասնակցությունը Ձեզանից կիսի մոտ 10 րոպե:

Ձեր համաձայնությունը տալով հաստատում եք, որ կարդացել ու հասկացել եք այս ուսումնասիրության նպատակներն ու ընթացքը:

Օգուտներ ու ռիսկեր

Ձեր մասնակցությունը մեզ հնարավորություն կտա ավելի լավ հասկանալու ու բնորոշելու մարդկանց սոցիալական շփումները: Դուք էլ կարող եք պատկերացում կազմել Ձեր առցանց հաղորդակցության մասին: Վերջում հնարավորություն ունեք գրանցվելու վիճակահանության, որի ժամանակ կարող եք շահել 50€ արժողությամբ կտրոն առցանց գնումների համար ([Cadooz-Bestchoice](#)): Ուսումնասիրությունը շարունակական է, ամեն 100 մասնակցի հաշվով տրամադրվում է մեկ կտրոն (հաղթելու շանսը՝ 1/100): Մենք հավաքում ենք միայն ապանույնականացված տվյալներ: Մինչև տվյալների նվիրաբերումը, անհրաժեշտ է սոցիալաթանոսներից պահանջել տվյալները ու դրանք ներբեռնել Ձեր սարք: Քանի որ այդ տվյալները պարունակում են Ձեր հաղորդագրությունները, խորհուրդ ենք տալիս ուսումնասիրության վերջում դրանք ջնջել Ձեր սարքից: Խնդրում ենք մասնակցել մենակ ու հանգիստ միջավայրում՝ գաղտնիությունը ապահովելու համար:

Տվյալների հավաքում

Տվյալների նվիրաբերում- Մենք ստանում ենք միայն մետա-տվյալներ (հաղորդագրության երկարությունն ու ժամանակը, թվեր՝ հաղորդագրության մասնակիցների անունների փոխարեն), չենք ստանում հաղորդագրությունների բովանդակությունը (տեքստը կամ մասնակիցների անունները): Անձնական տվյալները չեն լքում Ձեր սարքը, քանի որ տվյալների մշակումը կատարվում է տեղում՝ Ձեր բրաուզերում: Հետևաբար մենք չենք տեսնում հաղորդագրությունների բովանդակությունը: Վերբեռնելուց առաջ կարող եք տեսնել, թե ինչ տվյալներ եք մեզ ուղարկում՝ համոզվելով, որ դրանք անանուն են:

Հարցաշար: մասնակցությունը սկսելիս անհրաժեշտ է մի քանի սոցիոդեմոգրաֆիկ հարցի պատասխանել: Այնուհետև կարող եք նվիրաբերել Ձեր տվյալներն ու ստանալ գրաֆիկներ: Հարցաշարերից ստացված տվյալները ևս բոլորովին անանուն են և հավաքվում են [LimeSurvey](#) հարթակի օգնությամբ:

Կամավոր մասնակցություն

Ձեր մասնակցությունը միանգամայն կամավոր է: Ամեն պահին կարող եք դադարեցնել Ձեր մասնակցությունը՝ առանց ինչ-որ պատճառ նշելու կամ բացասական հետևանքների: Մինչև Ձեր անանուն տվյալները մեզ ուղարկելը կարող եք չեղարկել Ձեր համաձայնությունը՝ առանց բացասական հետևանքների:

Տվյալների ապահովություն

Քանի որ անուններ կամ նույնականացնող այլ տվյալներ չենք հավաքում, հնարավոր չէ տվյալները կապել Ձեր անձի հետ. տվյալների բազան լիովին անանուն է: Անձնական ոչ մի տվյալ չունենալով՝ չենք կարող ավարտից հետո առանձնացնել ու ջնջել Ձեր տվյալները: Քանի որ տվյալները ամբողջովին անանուն են, ընդհանուր տվյալների պաշտպանության կանոնակարգը (GDPR) կիրառելի չէ: Հարցերի կամ մտահոգությունների դեպքում կարող եք կապ հաստատել Բիլեֆելդի համալսարանում տվյալների պաշտպանության հանձնակատարի հետ՝

Տվյալների պաշտպանության հանձնակատար

Բիլեֆելդի համալսարան

Գրասենյակ: UHG T6-234

Հեռ. +49 521 106-5225

datenschutzbeauftragte@uni-bielefeld.de

Տվյալների օգտագործում

Տվյալներն ու ուսումնասիրության արդյունքները հրապարակվելու են գիտական ամսագրերում: Հրապարակված տվյալները լինելու են անանուն, այսինքն մարդկանց նույնականացումն անհնար է: Ամբողջովին անանուն տվյալները պահպանվելու ենք հետազոտական պահոցում և կարող ենք տրամադրել այլ գիտնականների:

Սույնով հաստատում եմ, որ կարդացել ու հասկացել եմ վերը նշված տեղեկությունները և համաձայն եմ մասնակցության պայմաններին: